

congregatione Concilii; episcopus propria auctoritate dedit eisdem presbyteris canonicis nuncupatis usum quorundam insignium, nempe rochetti sine manica, et almutiæ cum caputio ad instar aliarum collegiatarum diœcesis Beneventanæ. Adversus quam concessionem recurrit capitulum cathedralis, et proponitur dubium:

1. An concessio insignium, de quibus agitur, facta ab episcopo Trivicano RR. presbyteris vener. ecclesiarum S. Joannis Baptistæ Cansi, et S. Mariæ de Fratta Castelli prætersarum collegiatarum, sustineatur.

Sacra Rit. congregatio die 18 Apr. 1730, ponente eminentissimo Pico, rescripsit, *Ad primum, negative*.

Ad instantiam dictarum ass. collegiatarum fuit propositum aliud dubium adversus capitulum cathedralis, nempe:

2. An capitulum cathedralis ecclesiæ Trivicanæ sit manutenendum in possessione, seu quasi, deferendi insignia, de quibus agitur. Sacra congregatio rescripsit: *Negative quoad insignia concessa ab episcopo Viglino, et moderno.*

Pro cuius intelligentia, capitulum hujus cathedralis, usque ad annum 1704, non aliis insignibus usum fuit, quam quadam mozetta violacei coloris lancea sine caputio; sed anno 1704, sub episcopatu dicti episcopi Viglini obtinuerunt reintegrationem ad jus deferendi rochetum, et mozettam cum caputio, quod decretum confirmatum fuit a moderno episcopo, ut ipse retulit in sua informatione, asserens dictum decretum ab antecessore processisse prorsus inscio, et cum actis falsis, et se etiam deceptum fuisse, quibus documentis innititur relata resolutio.

1555. Ex decreto sacræ Rituum congr. Officium S. Monicæ vid. 4 Maii in posterum celebratur sub ritu dupl. 1750, 26 Aug.

1556. Sacra Rituum congr. concessit universo ordini Sancti Francisci lect. 2 nocturni pro Officio beat. Eidelis a Signaringa ordinis Minorum Capucinarum, 1750 20 Sept.

1557. Cum ex parte Pat. Fr. Josephi Mariæ ab Ehora commissarii generalis in curia ordin. Minor. Obs. Sancti Francisci supplicatum fuerit pro extensione Officii et Missæ de communi sub ritu semidup. beati Simonis a Lipnica sacerdotis regularis Observantiæ Sancti Francisci de anno 1689, pro regno Poloniae jam elargitum, ad universum ordinem, tam Fratrum quam monialium, Sancti Francisci, sacræ Rituum congreg. dictum Officium in universo præfato ordine singulis annis in festo ipsius beati die 18 Julii juxta petita recitari, et Missam respective celebrari posse benigne indulset atque concessit 1730, 9 Decemb.

1558. In loco Casoriae, quod est unum ex suburbis civitatis Neapolis, adest collegiata insignis, inter cuius præpositum et canonicos ex una, et parochos civitatis ex alia parte, lite exorta circa præcedentiam, propositum fuit dubium:

An in synodo Neapolitana, et aliis functionibus publicis in dicta civitate faciendis, debeatur præcedentia præposito et canonicis collegiatae S. Mauri Casalis Casoriae, vel potius parochis civitatis Neapolis. Sacra congregatio ponente eminentissimo belluga die 9 Decembris 1730, rescripsit: *Ad primum partem, affirmative, et negative ad secundam, et amplius.*

1559. Ponente eminentissimo Origo, magistratus Terræ Plebis occasione reedificationis ecclesiæ collegiatae invit concordiam cum capitulo anno 1728, circa modum sedendi in concionibus, in qua cum daretur pars dextera magistratui, et quia canonicus, qui contraxit, non habebat speciale mandatum, fuit impugnata a capitulo; et dicta die proposita fuerunt sequentia dubia:

1. An ass. concordia die 10 Februar. 1728 sit servanda.

2. An liceat magistratui retinere scamnum æqualiter elevatum cum scamno capitulo e conspectu concionatoris, et an sit licitum illud retinere a parte dextera.

3. An capitulum occasione concionum, retinere debeat suum scamnum intra presbyterium, vel potius servandus sit stylus practicus ante restorationem ecclesiæ.

4. An salutatio per concionatorem capitulo, et magistratui sit peragenda in confuso, vel cum prælatione capitulo, vel potius sit omittenda.

5. An danda sit a subdiacono pax per amplexum gubernatori, et duobus consulibus, reliquis vero communis mansionario, seu alio sacerdote cum pluviali per instrumentum.

6. An teneantur canonici per se, vel per alium præsentare aspersionum magistratui in ingressu ecclesiæ.

Rescripsit sacra congregatio die 9 Decembr. 1730: *Ad 1, et 2, negative; ad 3, affirmative quoad primam partem, et negative quoad secundam, transportato pulpito sumptibus propriis communitatis in situ commodo capitulo; ad 4, esse faciendam cum prælatione capitulo; ad 5, esse dandam a mansionario per instrumentum; ad 6, esse dandam concordiam 1669, in qua convenitur, aspersionum esse præstandum magistratui a magistro cæremoniarum.*

1560. Inter promotorem fiscalem curiæ episcopalis, et capitulum cathedralis concordata fuerunt sequentia dubia:

1. An liceat apponi tapetum cum pulvinari ante pedes præbendati celebrantis, etiam quando descendit vertendo terga ad altare, pro impositione cinerum, ac distributione candelarum et palmarum, ac pro quacunque alia functione.

2. An liceat, etiamsi sequatur casus, quod magistratus civitatis, vulgo regidores, utatur eodem tapeto et pulvinari in eisdem functionibus.

3. An liceat, præsentare episcopo, eisdem dignitatibus et canonicis, intra vel extra ecclesiam cathedrali adhibere in privatis functionibus ecclesiasticis sedes cum brachiis et subelliis; aut solum uti debeant scabellis vel scamnis, quemadmodum utuntur, episcopo pontificalia exercente.

4. An liceat eisdem dignitatibus et canonicis occupare easdem sedes cum brachiis, absente episcopo, in functionibus ecclesiasticis intra ecclesiam, non obstante non usu in cathedralibus Hispaniæ.

5. An episcopo pontificalia exercenti competat retentio baldachini, etiam pretiosi et aurati, supra sedem positam e latere altaris majoris.

6. An eadem retentio competat episcopo, etiamsi capitulum omiserit apponere baldachinum super altare majus.

Sacra congr. die 20 Aug. 1729, ponente eminentissimo Belluga, rescripsit: *Ad 1, non licere; ad 2, pro reformatione dubii; ad 3, negative quoad primam partem, affirmative quoad secundam; ad 4, negative; ad 5, competere, dummodo non sit pretiosum nec auratum; ad 6, affirmative, et episcopus cogat capitulum ut ponat baldachinum super altare majus.*

Reproposito secundo dubio die 9 Decemb. 1730, fuit rescriptum, *negative.*

1561. Officium S. Andreae Corsini episcopi et confessoris, semidup. 4 Febr., deinceps duplex ex decret. sacræ Rituum congr. 1731, 3 Jan.

1562. Anno 1706, episcopus Trivicanus, ob malam suam valetudinem, confecit oleum sanctum in ecclesia S. Mariæ terræ Castelli, et archipresbyter dictæ ecclesiæ præterit illud distribuere; quæ res dedit motivum canonicis cathedralis recurrendi, et proposita fuerunt duo dubia:

1. An episcopus Trivicanus solitam consecratio-

nem oleorum sanctorum in fer. v in Cœna Domini teneatur facere in cathedrali.

2. An dato quod episcopus propter aliquam canonicam necessitatem oleorum sanctorum consecrationem faciat in aliqua ecclesia diœcesis, dicta olea sancta dispensari debeant in ecclesia cathedrali parochis totius diœcesis.

Sacra congregatio die 19 Februar. 1707, rescripsit: *Ad primum, affirmative cessante legitimo impedimento; ad secundum, affirmative.*

Die vero 28 Aprilis 1731, ad instantiam promotoris fiscali fuit propositum dubium:

An sit standum, vel recedendum a decisio sacræ congregat. die 19 Februar. 1707, tam quoad ecclesiam in qua fieri debeat consecratio olei sancti in die Cœna Domini, quam quoad ecclesiam in qua fieri debeat illius distributio in casu. Sac. congreg., ponente eminentissimo Pico, rescripsit: *In decisio in omnibus, et amplius.*

1563. A magistratu provinciæ Guipuseæ cum mandatis procuræ omnium locorum fuit emissum votum jejunandi in vigilia S. Ignatii Loyolæ, tanquam patroni principalis illius. Quod cum servare rennerit clerus, propterea episcopus tanquam legislator ecclesiasticus illum obligavit ad eas observantiam. At reportavit clerus chirographum a fel. mem. Benedicto XIII, quo improbatum fuit illud factum episcopi sub die 21 Martii 1729, a quo cum petita fuisset oris aperiatio in sacra Rituum congr. die 3 Martii 1731, ponente eminentissimo Origo, fuit denegata. Et iterum postulato recessu a decisio die 15 Decembris, sacra congregatio stetit in decisio.

1564. Pro universo ordine Minorum emanavit decretum sacræ Rituum congr. cum approbatione orationum et lection. 2 Nocturni propri. et elevation. ad ritum dupl. maj. festi beati Joannis de Prado ord. Minorum, 1732, 17 Maii.

1565. Lectiones proprias et orationem beati Joannis de Prado ab eminentiss. et reverendiss. dom. card. Origo diligenter revisas, examinatas, et ad instantiam P. Fr. Petri Ivan. de Molina, secret. generalis curiæ Minor. Excalceat. eorumque provinciæ San. Didaci in Bœtica procuratoris, ac hujusmodi causæ postulatoris in sacra Rituum congr. relatas, sacr. eadem congreg. approbavit, ac singulis annis die 24 Maii pro 2 nocturno in Officio diei festi ipsius beati ab omnibus, quibus dictum Officium concessum fuit, una cum præfata oratione etiam in Missa recitari, ac in universo ord. Min. illius festum cum Officio et Missa sub ritu dupl. maj., servatis tamen rubricis, celebrari posse indulset, si sanctiss. dom. N. visum fuerit 1732, 17 Maii. *Factaque deinde per me secret. de predictis SS. D. N. relatione, Sanctitas Sua benigne annuit, die 31 ejusdem mensis et anni.*

1566. Sacra Rituum congr. approbavit, et concessit ordini Minor. Observ. orationem et lect. 2 nocturni pro festo S. Helenæ viduæ, 1732, 15 Septemb.

1567. SS. D. N. Clemens Papa XII, pravio decreto sacræ Rituum congr., approbavit cultum ab immemorabili tempore præstitum beato Joanni de Dukla ordin. Minor. Observ. S. Francisci, et concessit die 19 Maii 1733 Officium et Missam ejusdem de comm. confess. non pont. dupl. pro tota religione ordin. Min. S. Francisci, necnon pro clero sæculari et regulari civitat. Leopoliens., assignata tanquam die propria in perpet. pro festo illius die 19 Julii, cum dies propria illius obitus sit perpetuo impedita ob fest. sancti Michaelis archangeli die 29 Sept.

1568. Sacra Rituum congr. ad humillimas preces PP. procuratoris generalis, commissarii generalis curiæ, et procuratoris generalis Excalceator. et Recollect. S. Francisci porrectas, ut in recitatione divini Officii uniformitas in tota religione servetur,

benigne indulset, ut singulis annis Dom. 3 post Pasch. Resurrectionis Domini fest. Patrocinii S. Josephi cum officio et Missa alias approbatis in universo ordine Minor. Observ. Reformat. Excalceat. Recollect. S. Francisci utriusque sexus sub ritu dupl., servatis tamen rubricis, celebrari possit, 1733 die 4 Julii. Vide *infra num. 1579.*

1569. Pia majorum Cæsarum exempla secutus augustissimus imperator Carolus VI ut beatissimam Virginis Mariæ cultus sub titulo Septem Dolorum jam per tot. fere Germaniam dilatatus, magis in dies augetur, sanctiss. D. N. Clement. XII per emm. et rev. D. card. Cienfuegos preces suas obtulit, ut festum cum Officio et Missa eorumdem Septem Dolorum ea forma et modo, quibus a fratribus ord. Servorum B. M. V. Dominica tertia Septemb. recitatur, ad illam extendere dignaretur, iisdem vero precibus a Sanct. Sua ad sacram Rituum cong. remissis atque relatis; sac. ead. congreg. petitum Offic. et Missam in omnibus statibus hæreditariis præfata Cæsareæ majestatis dicta Dominica tertia Septembris sub ritu dupl. recitari, et Missam respective celebrari debere indulset die 28 Augusti 1734.

1570. Ex decreto ejusdem sacræ Rituum cong. 6 Maii 1736, quando occurrit Vigil. et aliquid fest. habens Officium, id est evangelium, tunc omitt. 9 lect. ei sit tantum comm. Vigil. in Laudib. et Missa privat., in cuius fine legitur evangelium S. Joannis. Ideo corrigi debet error in recentioribus Breviariis, et Missal. impress. in Vigil. Omnium SS. occurrens, cum Officium sanct. Cosmæ et Damiani hab. item evangel. *Descendens*, etc. Maxime cum extet aliud decret. eman. 10 Junii 1690, prohibens mutare aliquid in Officio vel Missa sine speciali indulto Sedis Apostolicæ, et ut hab. etiam ex bulla S. Pii V, etc.

1571. Adveniente infra aliquam Octavam fer. 4 Cinerum, vel Vig. Pent., vel die 7 Decemb. Officium de infra Octav. cessat post Completor. diei præced. Si autem prædictis tribus occurrat dies Oct. Offic. de infra Octav. cessat post Nonam præced. diei, nec amplius fit de ea die 21 Junii 1736.

1572. *Decretum emanatum ann. 1737, occasione proximæ canonizationis, in quo statuitur firma regula, quæ servari debet circa præcedentiam in præferendis nominibus servorum Dei, qui a Summis Pontificibus in Catalogo sanctorum ascribuntur.*

Cum sacrar. R. C. sub die 29 Decembris anni 1670, annuente san. mem. Clemente X, demandaverit in expressione nominum beatorum, qui canonizandi sunt, servandum esse ordinem hierarchiæ ecclesiasticæ, nempe antecedere debere: primo illos status clericali; secundo illos status regularis; et tertio inter plures ejusdem ordinis attendendum esse tempus mortis; prout clarius subinde declaravit alio simili decreto die 14 Jan. subsequentis anni 1671, ab eodem pontifice similiter approbato; cumque occasione proximæ futuræ canonizationis dubitatum fuerit de ordine servando in exprimentis nominibus B. Vincentii a Paulo sacerdotis fundatoris congregationis Missionis, et societatis puellarum de Charitate, et B. Joannis Francisci Regis sacerdotis professi Societatis Jesu, congregatio particularis sacrarum Rituum a sanctissimo domino nostro deputata hoc suo decreto statuit, et mandat servari memorata decreta, cum hac tamen declaratione, quod si, inter plures ejusdem status et ordinis, reperiat unus, qui sit fundator alicujus religionis, congregationis, societatis, aut alterius hujusmodi instituti, sive clericali sive regularis, a S. Sede approbati, præferatur aliis, qui hanc qualitatem fundatoris non habent, licet ante in Domino obdormierint, ideoque, in casu de quo agitur,

primo loco nominetur Vincentius a Paulo, secundo Joannes Franciscus de Regis, si sanctissimo, etc., die 16 Apr. 1757.

Factaque per me fidei promotorem de prædictis SS. domino nostro Clementi XII relatione, Sanctitas Sua decretum istud prædictæ sacræ congregationis particularis confirmavit, et approbavit, et in posterum servari mandavit, die 17 ejusdem mensis April. 1757.

1573. Sanctissimus dom. nost. Clemens Papa XII, Missam et Officium proprium sancti Aloysii Gonzagæ e Societate Jesu pro festo ipsius die 21 Junii cujuslibet anni dominiis omnibus sacr. Casareæ Majest. subjectis, nonnullisque aliis regnis ac provinciis, ac toti fere Italiæ sub ritu dupl. min. concessum ad enixas humillimasque preces ab eminentiss. et reverendiss. D. card. Pico de Mirandula et Columna tum proprias, tum aliarum quamplurium per eandem Italiam Ecclesiarum sibi hodierna die perlatas, Sanctitas Sua attendita tam utriusque card. cum sancto adolescente sanguinis conjunctione, quam multitud. mirabil. gratiar. quas præfata Ecclesia a Deo, et meritis ejusdem sancti assidue se impetrare unanimiter latentur, dictum Officium, et Missam ad omnes utriusque sexus Christianifideles existentes in tota Italia, et insul. adjacent. qui ad Horas canonicas tenentur, sub eodem ritu in posterum extendi mandavit 1757, 18 Maii.

1574. Officium cum oratione et lect. 2 nocturni propr. sancti Vincentii a Paulo confess. pro univers. Ecclesia approb. a sacra Rituum cong. ex decreto emanato 1757, 7 Dec.

1575. Officia concessa alicui regno, seu ditioni, possunt ad servandam uniformitatem diocesis recitari a diocesanis etiam existentibus extra tale regnum, seu talem ditionem, dummodo sua cathedralis sit intra ipsum regnum, seu ditionem. *Sacra Rituum cong. in Brixien. 7 Decemb. 1757.*

1576. Item pro omnibus Christianifidelibus utriusque sexus, tam sæcularibus quam regularibus, qui ad Horas canonicas tenentur, emanat. est decret. sacræ Rituum cong. approb. Officium cum oratione, Hymn. ad Matutinum, et lectio. 2 nocturn. propr. sanctæ Julianæ de Falconeris, 1758, die 8 Martii.

1577. Sacra Rituum cong. approbavit atque concessit Officium S. Joannis a Cruce confess. cum lectionibus secundis nocturnis, ac oratione propria, atque ad universalem Ecclesiam ampliavit pro die 24 Novembris sub ritu semiduplici, recitandum ab utroque clero sæculari et regulari, anno 1758, die 3 Octobris.

1578. Officium S. Felicis a Cantalicio confess. ordin. Min. Capuccinorum cum lectionibus secundis et tertiis nocturnis, ac oratione propriis novissime emanatis, sacra Rituum cong. ad totam Italiam, insulasque adjacentes sub ritu semiduplici recitandum die 21 Maii ab utroque clero sæculari et regulari, Missamque propriam celebrari, extendit anno 1759, die 21 Martii.

1579. Anno itidem 1759, ubi die 9 Maii sacra Rit. cong. decrevit, ut Officium S. Gertrudis virg. abbatissæ ord. S. Benedicti cum lectionibus secundis nocturnis, ac oratione propriis in Ecclesia universali die 14 Nov. recitetur sub ritu dupl. min., ac ejusdem Missa respective celebretur.

1580. Ex decret. sacræ Rituum cong. 20 Januarii 1741, Officium Patrocinii S. Josephi sponsi B. M. V. dupl. Dominica 5 post Pascha, in posterum celebrabitur sub ritu dupl. 2 classis.

1581. In ditionibus sereniss. dom. Austriac. Officium S. Joannis Nepomuc. mart. semidupl. 16 Maii, in posterum celebrabitur sub ritu dupl. ex indulto sanctiss. domini nostri D. PP. Benedicti XIV, die 15 April. 1741.

1582. Ex decreto sacræ Rituum cong. 16 Sept. 1742, concessum est Officium proprium et Missa Patrocinii B. M. V. pro toto ordine Minorum

de Observantia pro Dominica secunda Novemb.

1583. Cum festum S. Zenonis martyris, quod in civitate et diocesi Veronensi, uti illius episcopi et principalis protectoris, quotannis die 12 Aprilis de præcepto cum Octava celebratur, aliquoties incidat in feriam sextam Parasceves, vel in Sabbatum Sanctum, clerus sæcularis ac regularis ejusdem civitatis et diocesis sacram Rituum cong. humillime supplicavit, quatenus in casu talis occurrentiæ in posterum dictum festum S. Zenonis ad feriam II post Dominicam in Albis cum Officio et Octava transferre, necnon Officium diei festi S. Petri martyris, totius illius diocesis protectoris minus principalis, ad ritum duplicem secundæ classis elevare dignaretur, et sac. cong., audita prius informatione episcopi, hujusmodi instantiis juxta petita benigne annuit, die 15 Septembris 1742, in Veronen. *Ex Regesis ejusdem S. C.*

1584. Ex decreto emanato sub die 19 Januarii 1745, SS. D. N. Benedictus XIV concessit omnibus Religiosis et Monialibus ordinis Minorum recitationem Officii, et Missæ de communi nec virg. nec mart. B. Joannæ Valesiæ sub ritu semiduplici pro die 4 Febr. anniversaria ejus obdormitionis.

1585. Ad satisfaciendum insigni pietati, ac serenissimi regis Sardinie devotioni erga S. Vincentium a Paulo congregationis Missionis fundatorem, necnon pio desiderio nonnullorum episcoporum in ejus dominiis existentium, sanctissimus dominus noster Benedictus XIV, ad instantiam ejusdem majestatis suæ benigne inclinatus indulsit, ut in cunctis dominiis præfato serenissimo regi subjectis ab universo clero sæculari, qui ad Horas canonicas tenentur, Officium proprium cum Missa ejusdem sancti sub die 20 Aprilis 1751 approbatum, sub ritu primæ classis recitari, ac respective celebrari possit, et valeat. Hac die 28 Martii 1745.

1586. Non obstante alio decreto emanato a sacra Rituum cong. 11 Maii 1745, in favorem Patrocinii S. Joseph, quo Officium erat præferendum in concursu cum festis SS. apostolorum et evangelistarum, de novo exposito dubio in sacra Rituum cong. pro parte ecclesiæ metropol. Florentinæ, emanavit aliud decretum declarationis dubii super occurrentia festi SS. apostolorum Philippi et Jacobi, ac S. Marci cum altera festivitate patrocinii S. Joseph. *S. R. C. die 5 Julii 1745 respondit præferendum esse festum apostolorum et evangelistarum.*

1587. Cum sub die 4 Maii nuper elapsi anni 1748, prodierit decretum, per quod universo ordini Minorum S. Francisci, inscio penitus ministro generali tum Minorum Observantium, tum Reformatorem ejusdem S. Francisci, a sacra Rituum cong. facultas impertiebatur recitandi Offic. S. Josephi a Leonissa sub ritu dupl. 2 clas. et aliud Offic. S. Fidelis a Sigmaringa a ritu duplicis maj. ad duplex 2 class. elevabatur, ideo supplicante nunc eidem sacræ Rituum cong. F. Josepho a Fano procuratore generali prædicti ordinis Minorum Observantium, nomine etiam præfati ministri generalis, ut liceret in suo ordine proseguere deinceps recitationem Officii S. Fidelis a Sign. sub ritu tantum duplici maj. prout hactenus consuevit, et facultatem faceret recitandi Offic. S. Josephi a Leonissa sub eodem ritu cum oratione et lectionibus 2 nocturni propriis die 7 Sept. prox. præteriti approbatus, sacra ipsa congreg. utrique petitioni benigne annuit. Hac die 11 Januarii 1749.

1588. Reproposita in sacror. Rituum cong. ordinaria habita sub infra-cripta die nomine Patris Fratris Leopoldi a Roma sacerdotis professi ord. Min. Observ. Reformat. S. Francisci, ac postulatoris generalis causarum beatificationis et canonizationis præfati sui ord. instantia super concessione Off. et Missæ de communi in honorem B. Jacobi Illyrici, vulgo de Bitecto, in cujus causa usque, et sub die 15 Jul. an. 1700, approbatione

consecutus fuerat cultus immemorabilis eidem præstitus; sacra ipsa cong. superaccedentibus supplicationibus reverendissimi episcopi Bitectensis, capituli ecclesiæ cathedralis, et magistratus urbis Bitecti, necnon audito R. P. D. Ludovico de Valentibus fidei promotore, qui scripto et voce suam sententiam exposuit, ejusdem gratiam licet alias denegatam sub ritu duplici ordini Min. Observ. et Reform. S. Francisci ac dioc. Bitectensi pro die 20 Aprilis benigne largita est, atque concessit, si sanctissimo domino nostro visum fuerit. Hac die 19 Aprilis 1749.

Factaque deinde per R. P. D. Erbam protonotarium apostolicum, et prosecretarium, de prædictis eidem sanctissimo domino nostro relatione, Sanctitas Sua benigne annuit, die 25 ejusdem mensis et anni 1749.

1589. Postquam per sac. Rituum cong. ordinariam habitam die 31 Januarii currentis anni 1750, approbatus fuerit cultus immemorabilis B. Ladislai de Gielniow, ac subinde fuerit die 11 Februarii ejusdem anni per SS. dominum nostr. Benedictum XIV confirmatus, ex parte P. procuratoris generalis ord. Min. Observ. S. Francisci, ac etiam P. Matthæi Rornerski ex-provincialis provin. Majoris Poloniae ejusd. ordin. et hujus causæ postulatoris promotus fuit instantia pro concessione Officii et Miss. de com. conf. non pont. cum or. propr. in honorem dicti beati tam in oppido de Gielniow, et in civit. Varsaviæ, ac in toto ducatu Masoviæ sub ritu dupl. major. quam in ord. Min. sub ritu dupl. minor. Cumque hanc instantiam in præfata sac. cong. per celsitudinem regiam emin. et reverendissimi D. card. ducis Eboracensis relata fuerit; sac. eadem congreg. audito prius R. P. D. Ludovico de Valentibus fidei promotore, qui voce et scripto suam sententiam exposuit, petitum Officium et Missam de com. conf. non pont. cum orat. pariter de eodem commun. et recitandum et respective celebrandum quotannis die quarta Maii tam in oppido Gielniow, et in civitate Varsaviæ, ac in toto duc. Masoviæ, sub ritu dupl. maj. quam in toto ord. Min. Observ. S. Francisci sub ritu dupl. min. concessit, si sanctiss. dom. nostro placuerit. Hac die 2 Maii 1750.

Et facta per me secretarium de prædictis eidem sanctiss. domino nostro relatione, Sanctitas Sua benigne annuit die 9 Maii 1750.

1590. Jam alias sacror. Rituum cong. habita die 2 Maii 1750, concessit Officium et Missam de commun. confess. non pont. in honorem beati Ladislai de Gielniow recitandum, et respective celebrandum sub ritu duplici maj. quotannis die 4 Maii in oppido Gielniow, in civitate Varsaviæ, et ducatu Masoviæ; in ordine vero Minorum sub ritu dupl. minori. At quoniam præfata dies 4 Maii in dictis locis et in præfato ord. Min. impedita reperitur ab Offic. S. Monicæ, jam pro Ecclesia universali concessio, et ab Offic. S. Floriani, quod in præfatis locis uti patronus minus principalis colitur: ideo supplicantibus postulatoribus pro translatione festi dicti B., eadem S. cong. ad relationem celsitudinis regie eminentiss. ac reverendiss. D. cardinalis ducis Eboracensis rescripsit: Quoad ord. Fratrum Min. Observ. recitatio dicti Officii fiat die 22 mensis Octob. quo vero ad loca regni Poloniae comprehensa in decreto, die per nuntium apostolicum, auditis Ordinariis, designanda, exceptis tamen Dominicis, ac tempore Quadragesimæ, Adventus, et Quatuor Temp. et Vigilium. Die 19 Septembris 1750.

1591-1592. Sacra Rituum cong., audito prius R. P. D. Ludovico de Valentibus fidei promotore, orationem et lectiones secundis nocturnis proprias B. Salomeæ approbavit, et quotannis die ejus festo 17 Novemb. ab omnibus tam sæcularibus quam regularibus utriusque sexus, quibus ex indulto Sedis

Apost. permissum est ipsius beatæ Officium, de com. virg. imposterum recitari posse benigne indulsit, atque concessit, si sanctissimo domino nostro placuerit, die 3 Apr. 1751.

Et facta deinde de prædictis eidem sanctissimo domino nostro relatione, Sanctitas Sua benigne annuit die 24 ejusdem mensis et anni 1751.

1595. Sanctiss. D. N. Benedictus XIV, ad humillimas preces P. procuratoris gener. ord. Min. S. Francisci de Obser. lectiones proprias 2 nocturni, cum oratione S. Francisci Solani confess. ejusdem ordinis, tam pro die festo, quam pro die ejus Octava accurate revisas et examinatas, audito prius R. P. D. Ludovico de Valentibus fidei promotore, benigne approbavit; ac insuper concessit, ut singulis annis die festo, et respective Octava prædicti sancti, ab omnibus religiosis utriusque sexus, et aliis quibus ex indulto apostolico concessum est ipsius sancti Officium de communi, recitari possint et valeant, die 26 Junii 1751.

1594. Sanctissimus Dom. noster Benedictus XIV, piis enixisque precibus nomine majestatis regis Sardinie per comitem de Rivero Sanctitati Suae porrectis benigne annuens, indulsit, ut Officium S. Camilli de Lellis sub ritu duplici minori in omnibus dominiis eidem regi subjectis imposterum recitari possit, et valeat, die 8 Januar. 1752.

1595. SS. dominus noster orat. et lect. 2 nocturni propr. necnon lect. 3 noct. B. Ladislai de Gielniow benigne approbavit, et tam in ord. Min. Observ. quam in oppido Gielniow et civitate Varsaviæ, ac in toto ducatu Masoviæ pro die festo 22 Octobris recitandas concessit, die 11 Martii 1752.

1596. Porrectis SS. domino nost. Benedicto Papæ XIV, humillimis precibus per Patrem F. Bernardinum a Terlitio, commissarium generale curiæ ord. Min. S. Francisci de Obser., pro extensione ad omnes religiosos utriusque sexus ministro gen. totius ord. subjectos, Officiorum et Missarum in memoriam scilicet B. Rogerii conf. de comm. non pont. qui inter primos S. Francisci discipulos numeratur, pro die quinta Martii sub ritu dupl. min. necnon sanctæ Agnetis, germanæ sororis sanctæ Clare, de comm. Virg. sub ritu dupl. maj. pro die decima sexta Novembris, Sanctitas Sua, attentis peculiaribus circumstantiis, petitis benigne annuit die 15 Aprilis 1752.

1597. Ad preces Mariæ Theresiæ augustissimæ Romanorum imperatricis electæ, necnon Hungariæ reginæ, idem SS. dominus N. benigne annuens, indulsit, ut Officium cum orat. et lect. 2 nocturni propr. ac Miss. in honorem S. Camilli de Lellis conf. sub ritu dupl. min. in omnibus regnis et provinciis hæreditariis eidem imperatrici subjectis, ab omnibus utriusque sexus, qui ad Horas canonicas tenentur, imposterum recitari, ac Missa respective celebrari possit et valeat, die 29 Maii 1752.

1598. Casalen. *Præminentiarum*, ad seqq. dub.

1. An, et quomodo præpositus et canonici collegiæ ecclesiæ S. Mariæ Majoris de Platea civitatis Casalis intervenire possint congregationibus habendis ante synodi celebrationem in casu, etc.

2. An dictus præpositus interveniendo congregationibus præcedere possit canonicos cathedralis in casu, etc.

3. An, et quo habitu possint incedere dignitates et canonici dictæ collegiæ in synodo in casu, etc.

4. An, et ubi, occasione dictæ synodi, sedere debeant canonici cathedralis et canonici collegiæ in casu, etc.

5. An canonici ecclesiæ cathedralis in synodo possint uti sedibus cum brachiis, vel potius debeant uti scammis a pavimento elevatis per unum gradum aliquo panco coopertis, et possint etiam canonici collegiæ uti eisdem scammis absque tamen dicto

gradu, bene vero aliquo panno coopertis in casu, etc.

6. An prædictis scammis tam canonici cathedralis quam canonici collegiatae utidebant in Rogationibus, dum a canonicis cathedralis canitur Missa in ecclesiis, collegiata, vel regularium, et ubi utriusque ecclesiae canonici sedere debeant, quando presbyterium non est capax: seu potius sit servandum assertum solum in casu, etc.

7-9. An magister caeremoniarum dictae collegiatae gestare possit per civitatem habitum violacei coloris cum ferula, et associare canonicos ejusdem collegiatae in processionibus, in quibus non interveniunt canonici cathedralis in casu, etc.

10. An episcopo pontificalia celebranti in ecclesia dictae collegiatae præstanda sit assistentia a canonicis cathedralis, seu potius a canonicis ejusdem collegiatae in casu, etc.

11. An, et a quibus canonicis præstanda sit assistentia episcopo celebranti Missam privatam, vel alias privatas functiones exercenti in dicta collegiata in casu, etc.

Sacra Rit. congreg. die 15 Julii 1752 respondit: Ad 1, affirmative arbitrio episcopi; ad 2, negative; ad 3, incidere debere in habitu choralis, et amplius; ad 4, servetur solum; ad 5, negative quoad primam partem; affirmative ad secundam; affirmative quoad tertiam, et quoad colorem arbitrio episcopi, et amplius; ad 6, 7, 8, sedere debere in scammis, et in reliquis servetur solum et amplius; ad 9, negative, et amplius; ad 10, affirmative ad primam partem, negative ad secundam, et amplius; ad 11, posse præstari assistentiam ab alterutris ex canonicis non remuneratis utriusque capituli arbitrio episcopi.

1599. Porrectis sac. Rit. congreg. humillimis precibus per P. Fratrem Bernardinum a Verlilio, commissarium general. curiae ord. Min. S. Franc. de Observ. pro approbatione orationis et lectionum propriarum 2 nocturni in honorem S. Jacobi de Marchia ejusdem ord., sac. eadem congreg. supradictas orationem et lect. per eminentiss. et reverendiss. D. card. Cavalchini ponentem, necnon per R. P. D. Ludovicum de Valentibus fidei promotorem mature revisas et examinatas approbavit, easque ab omnibus Religiosis utriusque sexus præfati ord. recitari posse benigne concessit die 9 Decemb. 1752.

1600. Ex decreto a sacra Rit. Congr. edito die 16 Decemb. 1752, conceditur Officium et Missa pro ditione Austriac. in honorem B. M. V. de Soccos virg., cum antiph. ad Benedict. et ad Magnif. et lect. 2 nocturni, et oratione prop. pro die 25 Septembr.

1601. Pro concess. Offic. et Miss. S. Josephi a Cupert. exstant seq. desumpta ex Brevi Beatificat. ejusdem beati a SS. Domino nostro Benedicto XIV tel. rec. edito die 20 Febr. 1753, incipiente: *Aeternus Dei Filius*, etc. ac de eo (id est B. Josepho) quotannis die 18 Sept., quam diem pro ejus festività celebranda præscribimus, sub ritu dupl. min. recitetur Offic. et Miss. de commun. conf. non pontif. cum orat. a nobis approbata, juxta rubr. Brev. et Miss. Rom.; recitationem autem Offic. et Miss. celebrat. hujusmodi fieri concedimus, tum in proprio Min. S. Fr. convent. ordine, in quo solenni emissa professione usque ad obitum permansit, tum in ord. Fr. Min. ejusdem S. Franc. Capucc. (inter quos per aliquot annos commoratus est) ac Observ. reformat., recollector. et exalceator. ac Tertii Ord. nuncupator., etc.

1602. Cum discussa et approbata fuerit a sac. Rit. congreg. sub die 14 Aprilis currentis anni ad relationem eminentissimi et reverendissimi dom. card. Alexandri Albani causa canonizationis beati Angeli a Clavasio sacerdotis professi ordinis Min. de Observantia Sancti Francisci, sententia per reverendissimum episcopum Montis-Regalis lata su-

per cultu ab immemorabili tempore dicto beato præstito, sive super casu excepto a decretis san. mem. Urbani VIII editis, P. Fr. Leopoldus a Roma ejusdem ordinis Minorum de Observantia Reformatorum Sancti Francisci causæ postulator sanctissimo domino nostro Benedicto PP. XIV humillime supplicavit, quatenus in memoriam ipsius beati Officium et Missa sub ritu dupli de communi confessoris non pontif. primo loco, cum oratione *Adesto* de eodem communi secundo loco, die duodecima mensis Aprilis singulis annis recitan. tam pro universo ord. Min. utriusque sexus Sancti Francisci, quam pro civitate nuncupata Cunei, et tota diocesi Montis Regalis, ubi dictus beatus obdormivit in Domino, prope civitatem nuncupatam Clavasi, quo natus est, totaque diocesi Ipporeg. sub eodem ritu benigne concedere dignaretur. Et Sanctitas Sua oratoris instantiæ benigne annuit die 26 Mart. 1753.

1605. Cum sacror. Rit. congreg. die 7 Decemb. 1757, approbante san. mem. Clemente PP. XII, Offic. S. Vincentii a Paulo congregat. Missionis fundator. cum orat. et lect. 2 noct. propriis pro Eccl. univers. sub ritu semid. recitari concesserit, supplicantis modo SS. domino nostro Benedicto XIV, presbyteris ejusdem congreg. pro elevat. ritus Officii prædicti a semidupl. ad dupl. min., accedentibus etiam piis precibus serenissimi Caroli regis utriusque Siciliae per ducem de Cerisano ejus nomine humilliter porrectis, Sanctitas Sua ad relat. mei secretarii hujusmodi instantiæ benigne annuendo, petitum Offic. S. Vincentii a Paulo ab omnibus Christianis fidel. tam sæcularibus quam regularibus utriusque sexus, qui ad Horas canonicas tenentur, sub ritu dupl. min. in posterum recitari mandavit die 12 Maii 1753.

1604. Postquam a sacror. Rit. congreg. die xv Sept. elapsi anni, annuente sanctiss. D. N. Benedicto PP. XIV die 9 ejusdem mensis, approbatus fuit casus exceptus a decretis san. mem. Urbani VIII, seu cultus publicus præstitus beato Gabrieli Ferretti religioso professo ord. Min. de Observ. S. Francisci, Frater Joseph Amadeus a Taurino, sacerdos ejusdem ordinis postulator, humillime eidem S. D. N. supplicavit, pro concessione Offic. et Missæ in memoriam dicti B. Gabrielis, tam pro univers. ord. Min., quam pro civitate, et diocesi Anconitana, in qua dictus beatus obdormivit in Domino, et sacrum ejus corpus requiescit, et Sanctitas Sua ad relationem mei secretarii benigne concessit, annuendo ejusdem instantiæ, ut singulis annis, die qua ejusdem beati commemoratio peragitur, in præfato ord., et in civitate, et diocesi Anconitana petitum officium et missa de comm. conf. non pont. primo loco, orat. *Adesto* de eodem comm. 2 loco sub ritu dupl. min. ab omnibus utriusque sexus, qui ad Horas canonicas tenentur, recitari, et respective celebrari possit et valeat, die 28 Augusti 1754.

1605. Supplicante fratre Carolo Maria Perusino, commiss. gen. curiæ ord. Min. S. Franc. de Observ., SS. domino nostro Benedicto PP. XIV pro facultate recitandi Offic. cum Missa B. Helenæ Enselminæ, monialis Clarissæ ejusdem ord., jam sub die 8 Martii 1701 annuente san. mem. Clemente XI monialibus monasterii nuncupat. della beata Elena in diocesi Patavina concessum, Sanctitas Sua ad relationem eminentiss. et reverendiss. D. Card. Tamburini sac. Rit. congreg. præf. oratoris instantiæ benigne annuit pro commemorat. tantum prædictæ beatæ in die ejus obitus, seu sub ritu simplicis, pro fratribus et monialibus jurisdictioni ministri generalis totius ord. Min. subjectis, die 16 Januarii 1755.

1606. Porrecto SS. D. N. Benedicto XIV supplicii libello, quo rev. Alphonsus Mirolius episcopus Alexandrinus, nomine etiam cleri sæcularis et regu-

laris suæ civitatis, et diocesis, ad devotionem et cultum erga S. Christinam virginem et martyrem augendum confirmandumque humillime supplicavit, ut Officium et Missam ejusdem sanctæ eo modo et forma, quo civitati et diocesi Taurinen. die 5 Aprilis 1742 concessa reperiuntur, ad clerum præfate suæ civitatis, et diocesis extendere dignaretur, Sanctitas Sua ad relationem mei secretarii pro gratia benigne annuit die 9 Aprilis 1755.

1607. Porrectis humilliter precibus sac. Rit. congreg. a duce Philippo Sfortia Cæsarini, quatenus Officium et Missam de comm. non virg. nec mart. cum infrascripta oratione propria B. Seraphinæ Sfortie monial. profess. monasterii Corporis Domini Pisauri ord. S. Clara civitati et diocesi Pisauren. necnon universo ordini Minorum S. Francisci, ac insuper ecclesiis et oratoriis, quæ sunt de jure patronatus præfati ducis, sub ritu dupl. min. concedere dignaretur, sac. congreg. ad relationem eadem et rev. card. Columna de Sciarra ponentis, auditio prius R. P. D. Benedicto Veterani fidei promotore, benigne rescripsit, pro gratia quoad civitatem tantum sub ritu dupl. min., quo vero ad diocesim Pisaurensem, necnon ord. Min. et oratoria propria, et ecclesias principales feudorum oratoris sub ritu semidupl. tantum ad primam diem non impeditam ab ordinariis locorum designandam. Si SS. D. N. placuerit. Die 29 Novemb. 1755. Factaque deinde per me secretarium de prædictis eidem SS. D. N. relatione, Sanctitas Sua benigne annuit die 10 Decembris 1755. Oratio:

*Deus, qui per beatam Seraphinam eximium nobis patientiæ exemplum tribuisti, præsta supplicanti tuis, ut et ipsius instruantur exemplis, et ab omnibus ejus patrocinio liberemur adversis. Per Dominum, etc.*

1608. Ad magis excitandum cultum erga augustissimum Eucharistiæ sacramentum, ceteris sæcularis civitatis Alexandriae pro indulto recitandi singulis feriis quintis minime impeditis Officium et Missam ejusdem SS. Sacramenti SS. domino nostro Benedicto Papæ XIV humillime supplicavit. Et Sanctitas Sua, attentis peculiaribus circumstantiis, ad relationem mei secretarii gratiam petitam sub ritu semiduplici oratoribus benigne concessit, exceptis tamen Adventus, Quadragesimæ, ac Vigiliarum temporibus, sive cum jejunio, sive absque jejunio, atque illis feriis, in quibus secundum rubricas sit reponendum Officium de festo dupli vel semiduplici translato, die 10 Decemb. 1755.

1609. Cum pervenerit in Urbem assertum autographum operis mysticæ civitatis Dei ven. servæ Dei sororis Mariæ a Jesu de Agreda, ex monasterio Agredano Tirasonen. diocesis extractum, et ad SS. D. N. transmissum una cum aliis indubiis exemplaribus characteris servæ Dei, necnon processus super ejusdem characteris identitate, a reverendiss. episcopo Tirason. confectus juxta ea, quæ SS. dominus noster Benedictus XIV, pro ea qua præditus est sapientia et doctrina, præscriperat in epistola ad P. Raphaelem a Lugagnano tunc ministrum generalem ordinis Minorum, die 16 Januar. 1748, habita est congreg. particularis sacror. Rituum de mandato SS. in qua interfuerunt eminentissimi, et reverendiss. Patres cardinales Portocarrero, Cavalchini, Tamburini, et Galli, necnon R. P. D. Benedictus Veterani promotor fidei, et ego secretarius, in eaque, omnibus mature perpensis, examinatisque non minus peritis in Hispania accurate confectis, quam aliis tribus peritis in Urbe, prævia instructione dicti R. P. D. promotoris fidei, peractis omnes fuerunt in sensu: *Constare ven. servam Dei soror. Mariam a Jesu de Agreda scripsisse Hispano idiomate opus, de quo agitur, in octo tomos distributum sub titulo: La mística ciudad de Dios. Necnon, si SS. placuerit,*

restitui posse autographum memorati operis, cum ejus apographum, accuratissime compulsatum, existat in processu informativo, asservato in actis sacrae congregationis. Die 7 Maii 1757.

Facta deinde per me secretarium de prædictis relatione Sanctissimo, Sanctitas Sua benigne approbavit resolutionem sacrae congregationis, necnon restitui mandavit eminentissimo D. cardinali Portocarrero autographum dicti operis *Mysticæ civitatis Dei*, in Hispanias remittendum. Hac die 8 Maii 1757.

1610. Sanctissimus D. N. Benedict. Papa XIV ad humillimas preces Patris Mag. frat. Dominici Andreae Rossi procuratoris generalis ord. Minor. S. Francisci convent. benigne indulisit, suprascriptas lectiones 2 nocturni B. Michelinae vid. Tertii Ord. S. Francisci, cum oratione jam sub die 6 April. 1742 ab eadem Sanctitate Sua approbatas, ab eminentiss. D. card. Tamburino S. R. C. præf. una cum R. P. Benedicto Veterani fidei promotore, meque secret. accurate revisas, benigne approbavit, ac insuper concessit, ut singulis annis in memoriam ejusdem Beatæ a fratribus Min. Francisci convent. et aliis, quibus ex indulto apostol. concessum est ipsius beatæ Officium de communi, eadem lectiones, una cum oratione, recitari possint et valeant. Die 1 Septembr. 1757.

1611. Ad preces P. F. Josephi Torrubia commiss. generalis curiæ ord. frat. Min. S. Francisci de Observantia, Sanctiss. D. N. Benedicto Papæ XIV humillime porrectas, eidemque relatas ab eminent. et reverend. card. Tamburino sacrae Rituum congreg. præfeto, auditis prius per dict. eminent. R. P. D. Benedicto Veterani fidei promotore, meque infrascripto secretario, Sanctitas Sua benigne indulisit, ut in festo, et per Octav. S. Francisci Solani ab omnibus iis, qui ad Officium recitandum, Missamque in illius memoriam celebrandam tenentur, evangelium *Euntes in mundum universum*, etc., tam in Missa, quam in Officio, simul cum homilia S. Gregorii Papæ quæ incipit: *Potest omnis creaturæ nomine*, etc., quæ legitur in festis SS. Cypriani et sociorum, et S. Francisci Xaverii, recitari possit et valeat. Hac die 26 Septembr. 1757.

1612. Supplicante eminentissimo et reverendissimo domino cardinali archiepiscopo Taurinen. sacrae Rituum congreg. ut festività sanctissimæ Sindonis, quæ proximo anno 1758 occurreret in die Ascensionis D. N. J. C. una cum Officio transferri possit ad diem subsequentem pro dominiis serenissimi regis Sardinia, sac. congreg. ad relationem mei secretarii pro hoc anno tantum petitis annuit die 10 Dec. 1757.

1613. Porrectis Sanctiss. D. N. Benedicto Papæ XIV, humillimis precibus per P. Fr. Josephum Amedeum a Taurino ord. Min. S. Francisci de Observantia postulatorem generalem causarum servorum Dei dicti ordinis pro approbatione lectionum propriarum secundi nocturni S. Joannis a Capistrano in diebus primo, septimo, et octavo ejusdem sancti Octavæ recitand., Sanctitas Sua infrascriptas lectiones proprias, prout jacent, per eminentiss. D. cardinal. Tamburinum sacrae Rituum congreg. præfatum, una cum R. P. Benedicto Veterani fidei promotore, meque infrascripto secretario accurate revisas, approbavit, easque a fratribus et monialibus Breviario ordinis Min. de Observ. utentibus recitari, ac imprimi posse concessit: quæ tamen lectiones ead. Sanctitas Sua, ne unquam ad clerum sæcularem extendantur, præcepit. Die 20 April. 1758.

1614. Sanctissimus dominus noster Clemens Papa XII, inter multiplices apostolatus sui curas, sacrorum Rituum amplitudinem præ oculis habere non præmittens, pia meditatione perpexit, quod quamvis compertum sit festis quibusvis diebus Ecclesiam juxta cultu sacrosanctæ et individua